

觀世音菩薩降品咒經









妙法蓮華經觀世音菩薩普門品經



亦時無盡意菩薩即從座起偏袒右肩合掌  
向佛而作是言世尊觀世音菩薩以何因緣  
名觀世音佛告無盡意菩薩善男子若有無  
量百千萬億衆生受諸苦惱聞是觀世音菩  
薩一心稱名觀世音菩薩即時觀其音聲悉  
得解脫若有持是觀世音菩薩名者設入大火  
火不能燒由是菩薩威神力故若為大水所  
漂稱其名號即得淺處若有百千萬億衆生  
為求金銀瑠璃瑪瑙珊瑚琥珀珍珠等  
寶入於大海假使黑風吹其船舫飄墮羅刹  
鬼國其中若有乃至一人稱觀世音菩薩名

者是諸人等皆得解脫羅刹之難以是因緣  
名觀世音若復有人臨當被害稱觀世音菩  
薩名者彼所執刀杖尋段段壞而得解脫若  
三千大千國土滿中夜叉羅刹欲來惱人聞  
其稱觀世音菩薩名者是諸惡鬼尚不能以  
惡眼視之況復加害設復有人若有罪若無  
罪枷械枷鎖檢繫其身稱觀世音菩薩名者  
皆悉斷壞即得解脫若三千大千國土滿中  
怨賊有一商主將諸商人齎待重寶經過險  
路其中一人作是唱言諸善男子勿得恐怖  
汝等應當一心稱觀世音菩薩名號是菩薩  
能以無畏施於眾生汝等若稱名者於此怨



賊當得解脫眾商人聞俱發聲言南無觀世  
音菩薩稱其名故即得解脫無盡意觀世音  
菩薩摩訶薩威神之力巍巍如是若有眾生  
多於淫慾常念恭敬觀世音菩薩便得離慾  
若多瞋恚常念恭敬觀世音菩薩便得離瞋  
若多愚癡常念恭敬觀世音菩薩便得離癡

無盡意觀世音菩薩有如是等大神力多  
所饒益是故眾生常應心念若有女人設欲  
求男禮拜供養觀世音菩薩便生福德智慧  
之男設欲求女便生端正有相之女宿植德  
本眾人愛敬無盡意觀世音菩薩有如是力  
若有眾生恭敬禮拜觀世音菩薩福不唐捐

是故衆生皆應受持觀世音菩薩名號無盡  
意若有人受持六十二億恒河沙菩薩名字  
復盡形供養飲食衣服臥具醫藥於汝意云  
何是善男子善女人功德多不無盡意言甚  
多世尊佛言若復有人受持觀世音菩薩名  
號乃至一時禮拜供養是二人福正等無異  
於百千萬億劫不可窮盡無盡意受持觀世  
音菩薩名號得如是無量無邊福德之利無  
盡意菩薩白佛言世尊觀世音菩薩云何遊  
此娑婆世界云何而為衆生說法方便之力  
其事云何佛告無盡意菩薩善男子若有國  
土衆生應以佛身得度者觀世音菩薩即現



佛身而為說法應以辟支佛身得度者即現  
辟支佛身而為說法應以聲聞身得度者即  
現聲聞身而為說法應以梵王身得度者即  
現梵王身而為說法應以帝釋身得度者即  
現帝釋身而為說法應以自在天身得度者  
即現自在天身而為說法應以大自在天身  
得度者即現大自在天身而為說法應以天  
大將軍身得度者即現大將軍身而為說  
法應以毗沙門身得度者即現毗沙門身而  
為說法應以小王身得度者即現小王身而為說  
法應以長者身得度者即現長者身而為說  
法應以居士身得度者即現居士身而為說

法應以宰官身得度者即現宰官身而為說  
法應以婆羅門身得度者即現婆羅門身而  
為說法應以比丘比丘尼優婆塞優婆夷身  
得度者即現比丘比丘尼優婆塞優婆夷身  
而為說法應以長者居士宰官婆羅門婦女  
身得度者即現婦女身而為說法應以童男  
童女身得度者即現童男童女身而為說法  
應以天龍夜叉乾闥婆阿脩羅迦樓羅緊那  
羅摩睺羅伽人非人等身得度者即皆現之  
而為說法應以執金剛神得度者即現執金  
剛神而為說法無盡意是觀世音菩薩成就  
如是功德以種種形遊諸國土度脫衆生是



故汝等應當一心供養觀世音菩薩是觀世  
音菩薩摩訶薩於怖畏急難之中能施無畏  
是故此娑婆世界皆號之為施無畏者無盡  
意菩薩白佛言世尊我今當供養觀世音菩  
薩即解頸眾寶珠瓔珞價直百千兩金而以  
與之作是言仁者受此法施珍寶瓔珞時觀  
世音菩薩不肯受之無盡意復白觀世音菩  
薩言仁者愍我等故受此瓔珞爾時佛告觀  
世音菩薩當愍此無盡意菩薩及四眾天龍  
夜叉乾闥婆阿脩羅迦樓羅緊那羅摩睺羅  
伽人非人等故受是瓔珞即時觀世音菩薩  
愍諸四眾及於天龍人非人等受其瓔珞分

作二分一分奉釋迦牟尼佛一分奉多寶佛  
塔無盡意觀世音菩薩有如是自在神力遊  
於娑婆世界爾時無盡意菩薩以偈問曰

世尊妙相具

我今重問彼

佛子何因緣

名為觀世音

具足妙相尊

偈答無盡意

汝聽觀音行

善應諸方所

弘誓深如海

歷劫不思議

侍多千億佛

發大清淨願

我為汝略說

聞名及現身

心念不空過

能滅諸有苦

假使興害意

推落大火坑

念彼觀音力

火坑變成池

或漂流巨海

龍魚諸鬼難

念彼觀音力

波浪不能沒

或在須弥峯

為人所推墮

念彼觀音力



如日虛空住

或被惡人逐

墮落金剛山

念彼觀音力

不能損一毛

或值怨賊遶

各執刀加害

念彼觀音力

咸即起慈心

或遭王難苦

臨刑欲壽終

念彼觀音力

刀尋段段壞

或囚禁加鎖

手足被扭械

念彼觀音力

釋然得解脫

呪咀諸毒藥

所欲害身者

念彼觀音力

還著於本人

或遇惡羅刹

毒龍諸鬼等

念彼觀音力

時悉不敢害

若惡獸圍繞

利牙爪可怖

念彼觀音力

疾走無邊方

旣訖及蝮蠍

氣毒烟火然

念彼觀音力

尋聲自迴去

雲雷鼓掣電

降雹澍大雨

念彼觀音力

應時得消散

衆生被困厄

無量苦逼身

觀音妙智力

能救世間苦

具足神通力

廣脩智方便

十方諸國土

無刹不現身

種種諸惡趣

地獄鬼畜生

生老病死苦

以漸悉令滅

真觀清淨觀

廣大智慧觀

悲觀及慈觀

常願常瞻仰

無垢清淨光

慧日破諸暗

能伏災風火

普明照世間

悲體戒雷震

慈意妙大雲

澍甘露法雨

滅除煩惱燄

諍訟經官處

怖畏軍陣中

念彼觀音力

衆怨悉退散

妙音觀世音

梵音海潮音

勝彼世間音

是故須常念

念念勿生疑

觀世音淨聖

於苦惱死厄



能為作依怙 具一切功德 慈眼視衆生  
福聚海無量 是故應頂禮

尔時持地菩薩即從座起前白佛言世尊若  
有衆生聞是觀世音菩薩品自在之業普門  
示現神通力者當知是人功德不少佛說是  
普門品時衆中八萬四千衆生皆發無等等

阿耨多羅三藐三菩提心

妙法蓮華經觀世音菩薩普門品經

真言曰 唵 哆唎 哆唎 咄唎

咄咄 哆唎 莎婆訶

六字大明真言

唵麻呢八特弥舍吽

南無

號圓通名自在

一念心無罣礙

住娑婆幽冥界

降邪魔除妖怪

清靜瓶垂楊柳

大慈悲能喜捨

晝夜巡無損壞

望南岩勤禮拜

造法船遊苦海

前幢幡後寶蓋

無量壽佛境界

端嚴身無比賽

觀

如

來

廣發弘誓

常居海南

尋聲救苦

能除危險

甘露洒心

常行平等

誓滅三途

枷鎖解脫

度盡眾生

接引西方

弥陀受記

果修十二

願

南無

觀

如

來

願





清寧州在城一圍人奉  
佛信士牛福同真趙氏寺發心印造  
官音經一千卷佛祐平安  
正德五年二月初一日施



